

CENTRALNA BANKA
BOSNE I HERCEGOVINE
Broj: 150-15-4-1077-~~6~~/18 SAK
Sarajevo, ~~12.06.~~ 2018. godine

Na osnovu člana 70. stav (1) i (3) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (3), člana 43. stav (1) i člana 45. stav (1) Pravilnika o javnim nabavkama Centralne banke Bosne i Hercegovine, broj: UV-122-01-1-11/18 RJ od 30.01.2018. godine, guverner Centralne banke Bosne i Hercegovine, donosi

O D L U K U

o izboru najpovoljnijeg ponuđača u postupku javne nabavke usluga – servisiranje autobusa Centralne banke Bosne i Hercegovine - LOT 1, putem otvorenog postupka

Član 1.

Centralna banka Bosne i Hercegovine (u daljem tekstu: Centralna banka) ugovor za nabavku usluga - servisiranje autobusa Centralne banke Bosne i Hercegovine, putem otvorenog postupka, na period od jedne godine, dodjeljuje ponuđaču SLT d.o.o. Zenica, u svemu prema Ponudi broj: 1605/18 od 16. maja 2018. godine.

Član 2.

Centralna banka će, po sticanju uslova za zaključenje ugovora po osnovu Zakona o javnim nabavkama, s izabranim ponuđačem iz člana 1. ove odluke zaključiti okvirni sporazum do iznosa procijenjene vrijednosti od 7.000,00 KM bez uračunatog PDV-a, za čije se izvršenje zadužuje Odjeljenje za zajedničke poslove Centralnog ureda Centralne banke Bosne i Hercegovine.

Član 3.

Centralna banka će o rezultatima provedenog postupka javne nabavke obavijestiti ponuđača.

Član 4.

Za realizaciju ove odluke zadužuju se Odjeljenje za zajedničke poslove, Odjeljenje za javne nabavke i Odjeljenje za računovodstvo i finansije Centralnog ureda Centralne banke Bosne i Hercegovine.

Član 5.

Ova odluka će se objaviti na web stranici Centralne banke www.cbbh.ba, istovremeno s upućivanjem ponuđačima koji su učestvovali u postupku javne nabavke, u skladu s članom 70. stav 6. Zakona o javnim nabavkama („Službeni glasnik BiH“, broj: 39/14).

Član 6.

Ova odluka stupa na snagu danom donošenja.

O b r a z l o ž e n j e

Postupak javne nabavke usluga - servisiranje autobusa Centralne banke Bosne i Hercegovine – LOT 1, putem otvorenog postupka, pokrenut je Odlukom o pokretanju postupka, broj: 150-15-4-1077-2/18 SAK od 02. aprila 2018. godine. U skladu s tim, Centralna banka je 30. aprila 2018. godine na portalu javnih nabavki objavila obavještenje o nabavci broj: 1370-1-2-268-3-96/18.

U predviđenom roku za prijem ponuda, odnosno do 17. maja 2018. godine blagovremeno je dostavljena ponuda ponuđača SLT d.o.o. Zenica. Ponuda ponuđača glasi na iznos od 9.004,04 KM bez PDV-a, odnosno 10.534,73 KM sa PDV-om.

Komisija za provođenje postupka javne nabavke je izvršila pregled i ocjenu ponude i konstatovala da pristigla ponuda zadovoljava sve uslove tražene tenderskom dokumentacijom, te je u svom Zapisniku o pregledu i ocjeni ponuda, broj: 149-15-4-1426-5/18 od 29. maja 2018. godine i Izvještaju o radu komisije s Preporukom broj: 149-15-4-1426-6/18 od 29. maja 2018. godine dala preporuku da se u predmetu nabavke usluga – servisiranje autobusa Centralne banke Bosne i Hercegovine, donese odluka kao u dispozitivu.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.

GUVERNER
dr. Senad Softić



Dostaviti:

- guverneru
- viceguvernerima
- uredu glavnog internog revizora
- sekretaru Uprave i Upravnog vijeća
- predsjedniku i članovima komisije
- Odjeljenju za računovodstvo i finansije (original)
- Odjeljenju za zajedničke poslove
- Odjeljenju za javne nabavke (original)
- Odjeljenju za ljudske resurse
- u spis predmeta (original)
- arhiva